



SAPTA 2

**EBRAHAM**

---

I GAT WANPELA MAN, NEM  
BILONG EM EBRAHAM, HUSAT  
I SAVE OLSEM OL STETIU OL  
I NO GOD TRUTRU. EM I SAVE  
OLSEM GOD TASOL I BIN WOKIM  
OL MANMERI NA YUMI NO INAP  
YUSIM OL GIAMAN GOD NA  
STETIU LONG LOTUIM GOD.





GOD I TOKTOK LONG EBRAHAM,  
"EBRAHAM, LUSIM DISPELA  
PLES BILONG OL PIKSA GOD.  
LUSIM OLGETA WANLAIN BILONG  
YU WANTAIM PLES BILONG  
YU NA MI BAI SOIM YU LONG  
WANEM HAP YU MAS I GO  
LONG EN. MI BAI I MEKIM YU I  
KAMAP PAPA BILONG WANPELA  
BIKPELA LAIN MANMERI. OL  
LAIN I LAIK BAGARAPIM YU  
BAI MI BAGARAPIM OL, NA  
OL LAIN HUSAT I MEKIM GUT  
LONG YU BAI MI MEKIM GUT  
LONG OL. LONG YU OLGETA  
KANTRI BILONG DISPELA  
GRAIN BAI I KISIM BLESING.



ATING EBRAHAM EM I DISPELA  
PIKININI BILONG PROMIS HUSAT  
BAI I PINISIM SIN NA I DAI?

KLOSTU 1921-PELA  
YIA BIPO LONG MARIA  
I KARIM JISAS.



EBRAHAM I SAVE OLSEM DISPELA  
NEK EM I BIN HARIM EM I NEK  
BILONG GOD, OLSEM NA EM I  
BIHAINIM TOK. EBRAHAM I NO SAVE  
LONG WANEM HAP EM I GO LONG  
EN. EM I SAVE TASOL OLSEM EM I  
MAS LUSIM OL LAIN BILONG LOTUIM  
OL PIKSA GOD NA BIHAINIM GOD  
I GAT LAIP. EM I NO GAT TUPELA  
TINGTING; EM I BILIP TASOL. TASOL  
EM I BRINGIM LOT, PIKININI BILONG  
BRATA BILONG EM, WANTAIM EM



WOKABAIT BILONG EBRAHAM I  
BRINGIM EM I GO LONG PLES  
BILONG KENAN, PLES WE  
PIKININI MAN BILONG NOA I BIN  
SINDAUN LONG EN BIPO. TUDE  
YUMI SAVE KOLIM DISPELA PLES  
PALESTINE. LONG DISPELA HAP,  
GOD I TOKTOK LONG EM GEN:



**EBRAHAM,  
WOKABAIT NAMEL LONG  
DISPELA GRAUN. MI BAI  
GIVIM DISPELA GRAUN BILONG  
KENAN LONG OL TUMBUNA  
PIKININI BILONG YU. MI BAI I  
MEKIM OL TUMBUNA PIKININI  
BILONG YU I KAMAP PLANTI  
MOA YET INAP LONG OL I NO  
INAP KAUNIM OL. OL BAI I  
PULAP OLSEM DAS BILONG  
GRAUN.**



SARA,  
GOD I TOKIM  
MI OLSEM YU BAI  
I KARIM PIKININI  
NAU.

GOD I  
TOK YU BAI  
I KARIM  
PIKININI.


EBRAHAM,  
YU SAVE OLSEM  
MI NO INAP KARIM  
PIKININI BIPO NA NAU  
PASIN BILONG OL MERI I  
PINIS LONG MI. OLSEM  
WANEM BAI MI KARIM  
PIKININI?

STAT 12:1-3, 13:14-17



TAIM EBRAHAM I  
RAUN LONG DISPELA  
PLES, WANWAN TAIM  
EM I SAVE WOKIM  
OFA WANTAIM BLUT I  
GO LONG GOD. EM I  
WOKIM WANTAIM BILIP,  
OLSEM EBEL, LONG  
WANEM, EM I SAVE  
OLSEM EM I SINMAN  
HUSAT I MAS I DAI.

TAIM EBRAHAM I WOKIM OFA  
WANTAIM PIKININI SIPSIP DISPELA  
I NO INAP RAUSIM SIN BILONG  
EM. TASOL, TAIM GOD I LUKIM  
BILIP TRU BILONG EBRAHAM, GOD  
I LUSIM SIN BILONG EBRAHAM.






TENPELA YIA BIHAIN.

EEBRAHAM,  
TENPELA YIA I GO  
PINIS NA YU BIN TOKIM  
MI OLSEM GOD I TOK MI BAI  
KARIM PIKININI BILONG YU. NAU  
MI I GAT 75-PELA KRISMAS NA  
YU 85 PINIS. YUMI WOK LONG  
LAPUN TRU NA I NO GAT PIKININI  
YET. I NO LONGTAIM NA YU  
BAI I NO GAT STRONG LONG  
KAMAPIM PIKININI. TRU  
GOD I TOKTOK  
LONG YU?



MI  
SAVE OLSEM EM  
GOD HUSAT I TOKTOK  
LONG MI, TASOL MI NO  
SAVE BILONG WANEM EM I WET  
LONGPELA TAIM. GOD I TOK  
OLSEM MI BAI I STAP PAPA BILONG  
WANPELA BIKPELA LAIN MANMERI,  
TASOL MI GAT WANEM? MI GAT  
OLPELA BODI, OLPELA MERI  
HUSAT I NO INAP KARIM  
PIKININI, NA PLANTI  
KAGO NATING.





**EBRAHAM, YU NO  
KEN WARI. MI YET I WOK  
LONG LUKALTIM YU NA  
MI STAP GUTPELA PE  
BILONG YU.**

**YU BAI I  
GIVIM WANEM  
KAIN GUTPELA PE  
TAIM MI NO GAT  
PIKININI YET?**

**YU NA  
SARA BAI  
I KAMAPIM  
WANPELA  
PIKININI.**





**EBRAHAM, KAM NA LUKIM  
OL STA. ATING YU I KEN I  
KAUNIM, A? OL TUMBUNA  
PIKININI BILONG YU BAI I  
KAMAP PLANTI TRU, OLSEM  
OL STA, INAP LONG OL I NO  
INAP KAUNIM OL.**

**MI BILIP EM  
I BAI KAMAP  
OLSEM YU TOK.**

**YU BILIPIM TOK BILONG MI?**


**ORAIT, MI BAI I MAKIM DISPELA BILIP  
BILONG YU OLSEM STREPELA PASIN.**

**YU MAS SAVE OLSEM OL TUMBUNA PIKININI  
BILONG YU BAI I STAP OL AUTSAIT LAIN LONG  
WANPELA KANTRI I NO PLES BILONG OL. TAIM  
OL I KISIM PEN OLSEM WOKBOI NATING LONG  
400-PELA YIA, MI BAI I BAGARAPIM DISPELA  
KANTRI NA OL TUMBUNA PIKININI BILONG  
YU BAI I LUSIM DISPELA HAP WANTAIM  
BIKPELA KAGO. LONG DISPELA TAIM OL BAI  
I KAMBEK NA KISIM DISPELA GRAUN YU  
SANAP LONG EN.**





YU BIN  
PROMIS OLSEM  
MI BAI I KARIM  
PIKININI, NA WE? MI  
LAPUN OLGETA NAU  
NA YU TU KLOSTU YU  
NO INAP KAMAPIM  
PIKININI MOA.  
EBRAHAM, I NO  
GAT ROT LONG MI  
GIVIM PIKININI  
LONG YU.



KASTAM  
BILONG  
DISPELA PLES  
EM I OLSEM, MI  
KEN GIVIM WOKMERI  
BILONG MI LONG  
YU NA EM I KEN  
KARIM PIKININI  
BILONG YUMI.



EBRAHAM,  
HARIM, YU MAS KISIM  
DISPELA MERI NA KAMAPIM  
PIKININI TAIM BODI BILONG  
YU I GAT STRONG YET. EM LAIK  
BILONG GOD. OLSEM WANEM  
YU BAI I KAMAP PAPA BILONG  
WANPELA BIKPELA LAIN  
MANMERI? I NO GAT  
NARAP ELA ROT.





EM  
WANPELA  
ROT TASOL  
LONG KISIM  
PIKININI.

EBRAHAM I NO BETEN LONG  
GOD. EM I LUSIM TINGTING  
LONG PROMIS BILONG GOD  
NA I HARIM TOK BILONG  
MERI BILONG EM.

STAT 16:1-4




SAMPELA  
MUN  
BIHAIN.

MI  
BAI I KARIM  
PIKININI BILONG  
EBRAHAM.



TAIM HEGA I SAVE  
OLSEM EM I BEL LONG  
EBRAHAM, EM I STAT LONG  
DALNIM MISIS BILONG  
EM, SARA. SARA I STAT  
LONG JELES NA I BEL  
NOGLUT LONG HAGAR.




SARA I MEKIM HEGA I HATWOK  
TRU NA I NO MEKIM GUTPELA  
PASIN LONG EM. EM I NO PLEN  
BILONG GOD LONG WANPELA  
MAN I GAT TUPELA MERI, O  
LONG OL MAN I KAMAPIM  
PIKININI LONG OL WOKMERI.

TAIM YU KARIM  
WARA PINIS, GO NA  
BRUKIM PAIAWUT.

HEGA I  
STAT LONG  
PLEN LONG  
RANAWE.



HEGA I RANAWE LONG SARA NA GO  
LONG PLES DRAI. EM I WOKABAIT  
LONGWE TRU INAP LONG EM I NO  
GAT STRONG MOA. GOD I LUKIM HEVI  
BILONG HEGA NA I TOKTOK LONG EM.



HEGA, GO BEK  
LONG SARA NA STAP  
ANINIT LONG EM. YU  
BAI I KARIM WANPELA  
PIKININI MAN NA YU  
MAS GIVIM NEM BILONG  
EM ISMAEL, LONG  
WANEM BIKPELA I  
HARIM YU.



**ISMAEL BAI  
I KAMAPIM PLANTI  
TUMBUNA INAP LONG OL I  
NO INAP KAUNIM OL. EM BAI  
I STAP WANPELA WEL MAN NA  
EM BAI I PAIT WANTAIM OLGETA  
NA OLGETA BAI I PAIT WANTAIM  
EM. EM BAI I SINDAUN KLOSTU  
LONG OL BRATA BILONG  
EM OLTAIM.**





HEGA I GO BEK LONG MISIS  
BILONG EM NA I NO LONGTAIM  
NA EM I KARIM PIKININI.

GOD I TOKIM MI  
OLSEM DISPELA  
PIKININI EM I PIKININI  
BILONG EBRAHAM OLSEM  
NA EM BAI I STAP PAPA  
BILONG BIKPELA LAIN  
MANMERI.

ISMAEL EM I STAP TUMBUNA  
PAPA BILONG OLGETA LAIN ARAB

STAT 16:4-16

EBRAHAM I GAT  
86-PELA KRISMAS  
TAIM HEGA I KARIM  
ISMAEL. BIHAIN  
EBRAHAM I LUSIM  
STRONG BILONG  
EM LONG KAMAPIM  
PIKININI. ATING  
ISMAEL I MAS  
DISPELA PIKININI  
HUSAT GOD I  
BIN PROMISIM  
LONG EBRAHAM,  
A? TASOL, GOD I  
BIN TOK OLSEM  
DISPELA PIKININI BAI  
I KAM LONG SARA  
NA EBRAHAM.



LSEM WANEM BAI GOD EM I  
INAPIM PROMIS BILONG EM?  
EBRAHAM WANTAIM SARA  
I LAPUN PINIS NA OL I NO  
INAP KAMAPIM PIKININI MOA.




TAIM ISMAEL I GAT 13-PELA  
KRISMAS NA EBRAHAM I GAT  
99-PELA KRISMAS, GOD I  
TOKTOK LONG EBRAHAM GEN.

*EBRAHAM, MI STAP GOD I GAT  
OLGETA STRONG. YU MAS BIHAINIM  
OLGETA TOK BILONG MI. MI BAI  
I MEKIM OL PIKININI BILONG YU  
I KAMAP PLANTI MOA YET OLSEM  
MI BIN TOKIM YU BIPO, NA YU BAI  
I STAP PAPA BILONG PLANTI LAIN  
MANMERI. MI BAI I WOKIM WANPELA  
KONTRAK WANTAIM YU NA WANTAIM  
OL TUMBLUNA PIKININI BILONG YU.*



**MI BAI GIVIM GRAUN BILONG  
KENAN LONG OL PIKININI  
BILONG YU LONG OLTAIM  
OLTAIM. SARA BAI I KARIM  
DISPELA PIKININI MI BIN TOK  
PROMIS LONG EN, HUSAT BAI I  
STAP PAPA BILONG PLANTI  
LAIN MANMERI.**



**HA, HA! OLSEM  
WANEM YA? MI NAU I  
GAT 99-PELA KRISMAS NA  
SARA I GAT 89-PELA KRISMAS.  
BODI BILONG MI I DAI NA  
MIPELA I NO INAP KAMAPIM  
PIKININI. PLIS, YU MAS LARIM  
ISMAEL I STAP PIKININI  
BILONG PROMIS.**




**NOGAT. OLSEM MI BIN I TOK  
PINIS YU NA SARA BAI I KAMAPIM  
PIKININI LONG BODI BILONG  
YUTUPELA YET. PROMIS BILONG  
BLESING BILONG MI BAI I STAP  
ANTAP LONG EM, I NO LONG  
ISMAEL. LONG WANPELA YIA,  
SARA BAI I KARIM PIKININI MAN.**



EM INAP KAMAP? ... YES! GOD  
HUSAT I BIN WOKIM MAN EM I  
INAP MEKIM TUPELA LAPUN I  
GAT STRONG LONG KAMAPIM  
PIKNINI... YES, GOD EM INAP!







WANPELA DE EBRAHAM I SINDAUN  
LONG DUA BILONG HAUSEL  
BILONG EM NA EM I LUKIM  
3-PELA MAN I WOKABAUT I KAM.

EBRAHAM I LUKSAVE OLSEM  
OL I NO OLSEM OL MAN  
BILONG DISPELA GRAUN.



TUPELA BILONG OL, OL I ENSEL.  
NAMBA TRI EM GOD I KAMAP  
OLSEM ENSEL, INAP LONG  
EM I KEN TOKTOK WANTAIM  
EBRAHAM. EBRAHAM I RAN  
I GO LONG BUNGIM OL.





EBRAHAM,  
MERI BILONG  
YU, SARA, BAI I  
KARIM PIKININI  
MAN.

HE-HE-HE

MI LAPUN  
OLSEM BAI MI  
GAT AMAMAS GEN?  
NA EBRAHAM TU, EM I  
LAPUN MOA LONG MI.



BILONG WANEM SARA I  
LAP TAIM GOD I TOK EM  
BAI I KARIM PIKININI?

MI NO LAP.

NOGAT, YU BIN  
LAP. YU NO BILIP, A? I NO  
GAT WANPELA SAMTING I HAT  
TUMAS LONG GOD. LONG TAIM MI  
MAKIM, MI BAI KAM BEK NA SARA  
BAI I KARIM PIKININI MAN.





OLSEM  
WANEM? BAI MI  
TOKIM EBRAHAM LONG  
SAMTING MI REDI LONG  
MEKIM LONG SODOM NA  
GOMORA? LONG WANEM, MI  
SAVE LONG EBRAHAM, EM  
BAI BOSIM OL PIKININI NA  
TUMBUNA BILONG EM NA  
OL BAI BIHAINIM ROT  
BILONG BIKPELA.

YES, YU  
MAS TOKIM  
EM.



EBRAHAM,  
SIN BILONG  
SODOM NA  
GOMORA I KAMAP  
NOGLUT OLGETA  
NA KRAI BILONG OL  
I KAM LONG IAU  
BILONG MI. MI REDI  
LONG BAGARAPIM  
OL OLGETA.


AI! PIKININI  
BILONG BRATA  
BILONG MI, LOT,  
EM I STAP LONG  
SODOM...





MI  
SAVE OLSEM GOD  
I NO INAP KILIM OL  
STRETPELA MAN WANTAIM  
OL MAN NOGUT. SAPOS  
I GAT 50-PELA STRETPELA  
MANMERI LONG SITI, BAI YU  
MARIMARI LONG EN NA LARIM  
OLGETA I STAP LAIP? MI SAVE  
OLSEM MAN BILONG MEKIM  
STRETPELA KOT BAI I  
BIHAINIM STRETPELA  
PASIN.

ORAIT, SAPOS MI  
PAINIM 50-PELA  
STRETPELA MANMERI,  
MI BAI MARIMARI  
LONG SITI.




MI OLSEM DAS  
BILONG GRAUN NA MI NO GAT  
NAMBA LONG TOKTOK LONG YU, TASOL,  
SAPOS 5-PELA I SOT NA I GAT 45-  
PELA MANMERI TASOL, BAI YU  
BAGARAPIM SITI YET?

SAPOS  
I GAT 45 TASOL  
MI NO INAP  
BAGARAPIM  
SITI.

NA SAPOS  
I GAT 20-PELA  
TASOL?

MI NO  
INAP BAGARAPIM  
SITI SAPOS I GAT  
40-PELA STRETPELA  
MANMERI LONG  
EN.






PLIS, YU  
NO KEN KROS  
LONG MI, OLSEM  
WANEM SAPOS I  
GAT 30?

MI BAI  
MARIMARI SAPOS  
I GAT 30-PELA.

MI NO INAP  
BAGARAPIM DISPELA  
SITI NOGUT SAPOS  
MI PAINIM 20-PELA  
STRETPELA MANMERI  
LONG EN.

SAPOS I  
GAT 40TASOL?



PLIS, BIKPELA, YU NO KEN KROS  
LONG MI NA BAI MI ASKIM LAS. OLSEM  
WANEM SAPOS I GAT 10-PELA STRETPELA  
MANMERI TASOL LONG SITI? BAI YU  
BAGARAPIM SITI OLGETA?

NOGAT.  
SAPOS MI PAINIM  
10-PELA STRETPELA  
MANMERI, MI NO  
INAP BAGARAPIM  
SITI.

SAPOS YU NO  
PAINIM 10-PELA,  
OLSEM WANEM  
LONG LOT?

NAU LONG  
NAIT MIPELA BAI  
GO LUKIM EM.




DISPELA TUPELA ENSEL I  
KAMAP LONG TAUN LONG  
APINUN KLOSTU LONG  
HAUS BILONG LOT.



MAN!  
SIN BILONG  
DISPELA PLES I  
PULAP OLGETA!  
EM I NOGUT  
TRU.


NAU MI KLIA  
LONG WANEM AS GOD  
BAI I KILIM OLGETA  
HUSAT I STAP LONG  
SITI--PIKININI NA  
ENIMEL WANTAIM.



OI! YUPELA I NO  
BILONG DISPELA HAP, A?  
HARIM, YUPELA I NO KEN  
STAP ALTSAIT LONG ROT.  
KAM NA BAI MI LUKAUTIM  
YUPELA LONG HAUS  
BILONG MI.

HE-HE, OL  
NAISPELA MAN  
YA. KAM, YUMI  
GO TOKIM OL  
ARAPELA MAN  
LONG OL.





LOT, SALIM  
OL MAN YA I KAM  
AUTSAIT, BAI MIPELA  
I KEN SAVE LONG  
OL.

NOGAT, YUPELA  
I NO KEN MEKIM  
DISPELA PASIN  
NOGUT.

EM I TING  
EM I WINIM  
YUMI, A?






EM I NO  
GAT PASIN  
BILONG LAIKIM  
TRU!

MIPELA  
BAI BRUKIM  
DUA NA MEKIM  
NOGUT LONG YU  
TU, YU AUTSAIT  
MAN!

MIPELA  
I LES LONG  
OL PIKININI MERI  
BILONG YU; MIPELA  
I LAIKIM OL MAN  
YA!





BIKPELA GOD I  
MEKIM YUPELA  
AI PAS!

OL I  
STAP WE!




AI  
BILONG  
MI TUDAK;  
OLSEM  
WANEM?

AIYO! AI  
BILONG MI! MI  
AI PAS!

EM  
WANEM  
KAIN PAWA  
YA?





YUPELA I MAS LUSIM  
DISPELA SITI. TOKIM OL  
ARAPELA TU LONG LUKAUT.  
GOD EM I STRETPELA  
OLGETA NA EM I NO INAP  
LARIM DISPELA KAIN  
SIN I STAP.

TUMORA  
GOD BAI I SALIM  
PAIA I KAM DAUN  
LONG HEVEN. OLGETA  
MANMERI LONG  
SODOM NA GOMORA  
BAI I DAI.



HARIAP! KLOSTU  
NAU BAI PAIA I  
PUNDAUN; I NO  
GAT WANPELA BAI  
I STAP LAIP.

GOD I TOK  
YUPELA I NO KEN  
LUKLUK I GO BEK  
LONG SITI TAIM  
EM I KUK.





**NO KEN  
LUKLUK!**

**AIIIIII!!!**



AIYO! PAPA,  
MAMA I SAKIM  
TOK BILONG GOD  
NA LUKLUK, NA EM  
I KAMAP SOL!


**NO KEN  
LUKLUK! RAN  
TASOL!**



OLGETA SAMTING I GAT LAIP  
LONG SODOM NA GOMORA I DAI  
PINIS LONG DISPELA DE. GOD  
EM I HOLI NA KLIN OLGETA NA  
EM I BIRUA OLGETA LONG SIN-  
-NA DISPELA KAIN SIN BILON  
MAN I WANTAIM MAN NA MERI  
WANTAIM MERI EM I NOGUT  
OLGETA. SIN BILONG BAGARAPIM  
OL LIKLIK PIKININI LONG DISPELA  
SAIT TU EM I NOGUT MOA. GOD  
I BIN PROMISIM NOA OLSEM EM  
I NO INAP BAGARAPIM DISPELA  
GRAUN OLGETA WANTAIM WARA,




TASOL WANPELA DE GOD BAI  
I BAGARAPIM DISPELA GRAUN  
OLGETA WANTAIM PAIA. PE  
BILONG SIN, OLGETA KAIN  
SIN, EM I DAI; I DAI LONG SAIT  
BILONG BODI NA I DAI BILONG  
OLTAIM OLTAIM LONG RAUNWARA  
PAIA. LONG MARIMARI BILONG  
GOD, LOT I ABRUSIM KOT BILONG  
GOD, TASOL MERI BILONG EM  
I NO BILIPIM TOK BILONG GOD  
TAIM GOD I TOK STRONG LONG  
OL I NO KEN LUKLUK BEK.



PE BILONG SIN EM I  
DAI TASOL--OLGETA  
WANWAN TAIM.





MI AMAMAS OLSEM GOD I  
SOIM MARIMARI LONG YU.  
LOT, KLOSTU YU I DAI LONG  
DISPELA SITI. GOD EM I BIRUA  
OLGETA LONG SIN NA PASIN  
NOGUT. YU MAS I STAP  
LONGWE TRU LONG OL  
DISPELA KAIN LAIN  
NOGUT.


MIPELA I SORI  
TRU LONG MERI  
BILONG YU.

LAIP BILONG  
MIPELA I BAGARAP  
OLGETA NAU...

LOT WANTAIM TUPELA PIKININI MERI  
BILONG EM OL I GO. GOD I WOK LONG  
MEKIM GUT LONG EBRAHAM YET.

STAT 19:24-26; LIVAI 18:22;  
ROM 1:23-32, 6:23; 1 KORIN 6:9-11;  
REVELESEN 21:8

GOD I BIN GIVIM PROMIS OLSEM  
SARA BAI I KARIM PIKININI  
LONG TAIM BILONG LAIP.




EBRAHAM,  
OLSEM WANEM?  
MI TING OLSEM  
YUMI LAPUN TUMAS,  
TASOL I LUK OLSEM  
GOD I GIVIM  
STRONG LONG





EM I WANPELA MIRAKEL!  
I NO LONGTAIM NA  
OLGETA I SAVE OLSEM  
SARA I GAT BEL.



YUMI BAI KOLIM NEM  
BILONG EM, AISAK\*,  
OLSEM GOD I TOK. EM  
BAI I STAP PAPA BILONG  
WANPELA BIKPELA  
LAIN MANMERI.

EM NAU. TAIM  
GOD I TOKIM YUMI  
OLSEM MI BAI KARIM  
PIKININI, MI BIN LAP. MI  
NO BIN TING OLSEM BAI MI  
LAPUN OLSEM NA GIVIM  
SUSU LONG PIKININI  
BILONG MI YET!


GOD EM I INAPIM  
PROMIS BILONG EM,  
LONG WANEM, GOD I  
NO SAVE GIAMAN.



ISMAEL, PIKININI MAN BILONG  
EBRAHAM WANTAIM HEGA, I  
GAT 14-PELA KRISMAS NAU NA  
EM I BIRUA LONG AISAK.



DISPELA BOI  
I BIRUA LONG  
PIKININI BILONG  
MI. EM MANGI ISIP  
NA EM I NO INAP  
STAP WANTAIM  
AISAK LONG  
DISPELA HAUS!



RAUSIM DISPELA WOKMERI  
WANTAIM PIKININI BILONG EM.  
OL I NO INAP KISIM HAP LONG  
SAMTING BILONG YU. OLGETA  
SAMTING I BILONG AISAK,  
PIKININI BILONG PROMIS,  
TASOL.

GOD I TOKTOK LONG EBRAHAM,  
"SARA I TOK STRET. SALIM HEGA  
NA ISMAEL I GO. ISMAEL I NO  
INAP KISIM SAMTING WANTAIM  
AISAK. TASOL YU NO KEN  
SORI; MI BAI LUKAUTIM OL.




NA MI BAI MEKIM  
ISMAEL I KAMAP  
BIKPELA LAIN  
MANMERI TU, LONG  
WANEM, EM I PIKININI  
BILONG YU. TASOL,  
DISPELA MAN HUSAT  
BAI I KAM LONG  
KISIM BEK YUPELA NA  
BAGARAPIM SETEN  
BAI I KAM LONG  
LAIN BILONG AISAK,  
I NO LONG LAIN  
BILONG ISMAEL."



ISMAEL I KAMAP PAPA BILONG  
OLGETA LAIN ARAB, NA AISAK  
I KAMAP PAPA BILONG OLGETA  
LAIN JU. OL ARAB NA OL JU  
OL I HAP-BRATA--WANPELA  
PAPA NA NARAPELA MAMA.


STAT 21:1-3, 9-14  
\*DISPELA NEM AISAK I MINIM LAP.



YU BIN KAMAP  
LONG WANPELA MIRAKEL.  
ATING YU BAI KISIM BEK MIPELA  
OL MANMERI BILONG DISPELA  
GRAUN LONG SIN?

EBRAHAM I LAIKIM  
TRU PIKININI MAN  
BILONG EM, AISAK.






PAPA, BILONG WANEM  
YU SAVE KILIM OL DISPELA  
PIKININI SIPSIP NA KUKIM  
BODI BILONG OL ANTAP  
LONG OL STON?

GOD BILONG  
HEVEN NA GRAUN EM I  
STAP HOLI NA KLIN OLGETA;  
MI SINMAN OLSEM, MI NO  
INAP KAM KLOSTU LONG EM.  
NAMBAWAN MAN, ADAM, I BIN  
SAKIM TOK BILONG GOD NA  
YUMI OLGETA MAN I SAVE  
BIHAINIM SIN NAU.

GOD I  
TOKIM ADAM OLSEM,  
SAPOS EM I MEKIM SIN  
EM BAI I DAI, TASOL  
TAIM ADAM I MEKIM SIN,  
GOD I KILIM OL ENIMEL  
NA KISIM SKIN BILONG OL  
LONG KARAMAPIM SEM  
BILONG ADAM NA IV.




TAIM MI KILIM WANPELA  
PIKININI SIPSIP NA MEKIM OFA  
LONG GOD, DISPELA I SOIM  
GOD OLSEM MI SAVE MI GAT  
SIN NA MI GIVIM SIPSIP LONG I  
DAI LONG PLES BILONG MI.




AISAK I WOK LONG  
GRO NA KISIM SAVE  
LONG GOD BILONG  
PAPA BILONG EM.  
EBRAHAM I SAVE  
KISIM AISAK I GO  
WANTAIM EM LONG  
LOTU LONG GOD  
NA WOKIM OFA.  
OL I SAVE KILIM I  
DAI SIPSIP, PUTIM  
ANTAP LONG ALTA,  
NA KUKIM OLGETA  
LONG PAIA.





**EBRAHAM, YU  
MAS KISIM DISPELA  
WANPELA PIKININI  
MAN BILONG YU, AISAK,  
HUSAT YU LAIKIM TRU,  
NA WOKIM OFA LONG  
EM I KUK OLGETA LONG  
PAIA, OLSEM OFA  
LONG MI.**






GOD, OLSEM  
WANEM? OL HAI DEN  
TASOL I SAVE WOKIM  
OFA LONG OL PIKININI BILONG  
OL! YU BIN TOK OLSEM AISAK  
BAI I KAMAPIM BIKPELA LAIN  
MANMERI. TASOL SAPOS  
MI KILIM EM DISPELA I NO  
INAP KAMAP...



...TASOL YU STAP  
GOD. MI PAUL  
LONG AS BILONG  
DISPELA, TASOL MI  
BAI BIHAINIM TOK  
BILONG YU.

STAT 22:2; ROM 5:12






MIPELA I MAS  
WOKABAUT  
3-PELA DE  
LONG KAMAP  
LONG DISPELA  
MAUNTEN. ATING  
WAN WIK SAMTING  
BAI MIPELA I KAM  
BEK.

ORAIT.  
WAS GUT  
LONG PIKININI.  
MI BAI BETEN  
LONG  
YUTUPELA.

TRIPELA DE BIHAIN.



PAPA,  
MI LUKIM  
MAUNTEN.  
LONG APINLUN  
YUMI BAI  
KAMAP.


YES, NA BAI  
YUMI GO LOTU NA  
BIHAIN KAM BEK  
GEN.





PAPA, YUMI BIN BRINGIM PAIAWUT  
NA YU WOKIM ALTA PINIS. TASOL  
OFA I STAP WE?


AISAK, YU TINGIM BIPO MI BIN  
STORI LONG YU LONG GOD I BIN TOKIM  
MAMA BILONG YU NA MI OLSEM MIPELA BAI  
KAMAPIM PIKININI TAIM MIPELA I LAPUN? NAU  
GOD I BIN TOKTOK LONG MI GEN.



GOD I  
TOKIM MI  
OLSEM MI MAS  
YUSIM YU LONG  
WOKIM OFA.


MI?  
PAPA,  
TRU?





PAPA, GOD I BIN TOKIM YU OLSEM MI  
BAI KAMAP PAPA BILONG WANPELA BIKPELA  
LAIN MANMERI NA OL PIKININI BILONG MI  
BAI I KAMAP OLSEM OL STA BILONG HEVEN.  
SAPOS MI DAI NAU, OLSEM WANEM  
LONG PROMIS BILONG GOD?

PIKININI, MI BIN  
KISIM SKUL PINIS  
OLSEM, TAIM GOD I  
WOKIM PROMIS EM I GAT  
STRONG LONG MEKIM  
DISPELA PROMIS I KAMAP.  
SAPOS GOD I TOK OLSEM  
YU BAI I STAP PAPA BILONG  
WANPELA BIKPELA LAIN  
MANMERI, DISPELA BAI I  
KAMAP.




TASOL  
SAPOS MI  
I DAI PINIS,  
DISPELA BAI  
I KAMAP  
OLSEM  
WANEM?

MI NO SAVE. ATING  
GOD BAI I KIRAPIM  
YU BEK LONG I DAI.

ORAIT, PAPA, YUMI  
MAS BIHAINIM TOK  
BILONG GOD, MASKI  
LONG WANEM  
SAMTING I KAMAP.

STAT 22:3-9






TRU, EBRAHAM  
I SAVE OLSEM  
EM I BIHAINIM  
TOK BILONG  
GOD, TASOL  
BEL BILONG EM  
I MAS SORI TRU  
TAIM EM I REDIM  
PIKININI BILONG  
EM OLSEM OFA.

EBRAHAM I PASIM HAN NA LEK BILONG  
PIKININI MAN BILONG EM NA SLIPIM EM  
ANTAP LONG ALTA. BIHAIN, EM I REDI LONG  
KATIM NEK BILONG PIKININI WANTAIM NAIP.

TAIM EBRAHAM I APIM  
NAIP LONG KATIM  
NEK BILONG PIKININI  
MAN BILONG EM, EM  
I HARIM WANPELA  
NEK LONG HEVEN I  
TOKTOK LONG EM:





A comic book panel. On the left, a character's hand is wrapped in white bandages, gripping a sword hilt. The hand is raised, and the sword is held vertically. On the right, a man with a brown turban and a white beard looks towards the hand with a concerned expression. A yellow speech bubble with a jagged edge is positioned in the upper right, containing text in a stylized font.

**EBRAHAM!  
EBRAHAM!  
NO KEN KILIM  
PIKININI  
BILONG YU.**



**NAU MI SAVE  
OLSEM TRUTRU YU BAI  
BIHAINIM OLGETA TOK  
BILONG MI, INAP LONG YU  
REDI LONG KILIM DISPELA  
WANPELA PIKININI MAN  
BILONG YU.**



EBRAHAM I LUKIM  
WANPELA SIPSIP MAN  
I PAS LONG BUS.



PAPA,  
LUKIM,  
GOD I  
GIVIM YUMI  
WANPELA  
SIPSIP  
LONG  
KISIM PLES  
BILONG  
MI!

**EBRAHAM, YU BIN MEKIM  
DISPELA SAMTING NA  
YU LAIKIM MI MOA LONG  
PIKININI MAN BILONG YU,  
OLSEM NA MI BAI BLESIM  
YU NA MEKIM OL PIKININI  
TUMBUNA BILONG YU I  
KAMAP OLSEM OL STA  
BILONG HEVEN. NA OL  
PIKININI BILONG YU BAI I  
KISIM DISPELA GRAUN NA  
BAGARAPIM OLGETA BIRUA  
BILONG OL. TU, LONG  
WANPELA PIKININI TUMBUNA  
BILONG YU, HUSAT BAI I  
KAMAP BIHAIN, BAI OLGETA  
LAIN MANMERI BILONG  
DISPELA GRAUN I KISIM  
BLESING.**



**PAPA, TRUTRU GOD  
EM I WANPELA GOD BILONG  
MARIMARI, OLSEM YU BIN TOK!**

**STAT 22:9-18; HIBRU 11:17-19**



LONG DISPELA PASIN EBRAHAM I KAMAPIM  
TUPELA PIKININI MAN, ISMAEL NA AISAK. AISAK  
EM I DISPELA PIKININI MAN HUSAT GOD I MAKIM  
LONG KISIM OL PROMIS GOD I MEKIM LONG  
EBRAHAM. AISAK I KAMAPIM JEKOP, HUSAT  
BIHAIN NEM BILONG EM I SENIS LONG ISRAEL.  
JEKOP I KAMAPIM 12-PELA PIKININI MAN. BIHAIN,  
JEKOP WANTAIM OL PIKININI BILONG EM NA OL  
FAMILI BILONG OL I GO DAUN LONG ISIP WE OL I  
KAMAP WOKBOI NATING. (DISPELA I KAMAP 1706-  
PELA YIA BIPO LONG MARIA I KARIM JISAS.)



STAT 21:5, 13, 24:67, 25:12-18, 21-26, 29:23-30

12-PELA PIKININI  
MAN BILONG JEKOP  
I KAMAPIM 12-PELA  
KLEN BILONG ISRAEL.

ISMAEL I KAMAPIM  
12-PELA PIKININI  
MAN HUSAT I KAMAP  
OL LAIN ARAB.

ISMAEL

EBRAHAM

AISAK

JEKOP







<https://goodandevilbook.com/>